

甯河縣志卷之四上

橋渡

本城東門外石橋一座乾隆八年始建乾隆三十八年重修

本城西門外石橋一座乾隆九年合莊捐建

本城北門外西城莊大木橋一座小橋一座乾隆六年知縣洪肇楙捐建乾隆四十三年公修

西關莊西北大小石橋二座先架以木北名通濟橋西名廣濟橋始建不知何年乾隆十二年談有序出

甯河縣志

卷之四

建置

一

資捐修乾隆二十六年被水冲塌合莊捐修易之以石

西關莊大木橋二座一名張家橋一名任家橋始建不知何年乾隆十二年談有序捐資重修乾隆二十六年被水冲塌合莊重修

東窩莊東大石橋一座雍正二年合莊捐修

南沽莊大石橋二座始架以木乾隆三十七年知縣黃紹魁易之以石

米廠莊南石橋一座昔爲木橋始建不知何年乾隆

七年改建石橋

木頭窩莊西南石橋一座昔爲木橋始建不知何年  
乾隆十六年知縣李之蓉捐資易之以石立有碑記  
馮家臺莊東大木橋二座雍正七年合莊捐建

青泥莊南北小石橋各一舊爲木橋雍正六年合莊  
建乾隆四十二年易之以石

劉可莊西南大石橋一座乾隆二十六年合莊捐資  
修建

江窪口石橋一座萬歷二十四年苗從美捐建乾隆

三十三年合莊捐修

板橋莊東大石橋一座乾隆三十九年建

板橋莊西大木橋一座雍正八年民人解惠捐修

青坨莊南大石橋三座中小石橋二俱康熙四十年

民人李思德捐建

苗家莊北石橋一座康熙三十九年合莊捐修乾隆  
六年合莊捐資重修

閻家莊南大木橋一座雍正三年合莊捐建乾隆四  
十三年李漢章捐修

大月河莊大石橋一座始架以木雍正十二年捐建  
乾隆十五年重修乾隆三十年合莊捐資易之以石  
名永甯橋

王御史莊東石橋一座舊爲木橋乾隆四十二年合  
莊捐資易之以石

蘆臺東西南大石橋各一始建不知何年俱於乾隆  
十年合鎮捐修

蘆臺河北石橋一座始建年月無考乾隆二十六年  
合鎮捐修

漢沽莊北大石橋一座昔架以木始建年月無考乾  
隆三十四年易之以石名曰永濟橋

有碑記  
見藝文

又莊西北木橋一座始建不知何年乾隆三十四年  
與永濟橋同修

鐵獅坨莊北大木橋一座乾隆四十三年合莊捐修  
營城莊東大石橋一座始架以木建造年月無考乾  
隆三十年邑人邵承富捐資倡修易之以石名曰允

毅橋

有碑記  
見藝文

營城莊東大石橋一座原建年月無考乾隆三十九

年合莊重修

潘莊王家霧河大石橋一座始設小船以濟行人乾

隆八年知縣屠祖資捐資改建顏之日屠公橋有碑記見

藝文

又潘莊東石橋一座雍正四年合莊捐建

南淮魚洶莊西大木橋一座雍正九年合莊捐建

造甲城莊石橋一座始建年月無考

東堤頭莊西大石橋一座昔為木橋雍正六年合莊

捐建乾隆四十二年合莊捐資易之以石

甯河縣志

卷之四

建置

四

又莊東大石橋一座康熙三十二年合莊捐建乾隆

三十八年合莊捐修

西堤頭莊中大石橋一座昔為木橋康熙三十五年

合莊捐建乾隆十八年合莊捐資易之以石甯津分界處

北塘莊南大木橋一座雍正八年合莊建乾隆二十

八年重修

北塘莊西南石橋一座乾隆丙申年知縣關廷牧倡

建

新河莊南大木橋一座始建年月無考乾隆三十九

年商人許賢重修

新河莊東大木橋一座始建年月無考乾隆十九年

合莊重修

有碑記

新河莊北大木橋一座始建年月無考乾隆二十三

年合莊重修

塘兒沽木橋一座乾隆二十年合莊修

營城至北塘三十五里地卑窪瀕海水漲輒沒爲行  
旅病同治甲戌通永總鎮吳公殿元修成疊道中建  
三木橋以通水勢不費民間一錢而馬驟車馳共享

甯河縣志

卷之四

建置

五

康衢之樂履斯道者歌頌不衰云

漢沽莊至蘆臺二十里地勢卑窪遇雨水則泥濘難  
行光緒四年邑紳李瑞春獨力捐修疊道並建橋梁  
二座疏水勢以便車馬所費甚鉅此後遂成康莊行  
人頌之

潘莊屠公橋前志記載乾隆十八年邑令屠公祖資  
所建砥平堅鞏至道光五年越七十餘歲公孫之申  
爲直隸布政使因巡視河工過其地見原碑殘缺重  
立一石載其文於上以識不忘祖德云

新開減河橋三座同治十三年邑令李賡雲奉 督  
憲札飭重修一在赤減灘一在甯車沽一在傅家壑  
經費悉從天津道庫支領

邑西門外舊有橋梁一道相傳明季流賊陷寶坻時  
全所震動夜集鄉夫併力挖堤引潮河之水以通南  
北四週環繞險若湯池寇至憚於攻取藉以保全事  
定後卽架木爲橋寢易以石

茲城樓上有石刻襟河  
二字又有天輔津梁匾

紀前歲久傾圮尋於乾隆三十一年知縣薛端引術  
蹟也

家言謂邑來龍在西不宜隔斷來脉爰填以土而此

橋遂廢

西門外襟河舊有橋一座前志紀載邑令薛端填以  
土而橋廢嘉慶初年邑紳王淳以其有關風水但不  
令水過深隔斷來脉乃造石橋以通潮汐焉

按邑中橋梁甚多不能一一備志謹擇其往來孔  
道及好義倡捐者雖小必錄

東窩莊渡船二乾隆八年本城談有序陳玉崑捐設  
乾隆二十八年本城劉玉倉劉岐山重修乾隆三十  
八年紳士杜懋綸劉格臣邵景東等重修

東窩渡口乃東三省通衢舊有渡船二隻歲久失修  
同治十三年邑令李賡雲倡捐銀一百兩會同紳董  
劉震東王著華勸修大渡船二隻小渡船一隻往來  
稱便焉

埋珠莊南渡船一歷年合莊捐資修補

江窪口渡船二萬歷二十四年苗從美自行捐設康  
熙二年孫哲元重修康熙四十六年孫國屏等重修  
乾隆七年孫成業孫國柱靜維昇等公捐重修乾隆  
三十二年孫緒武靜維昇等捐資重修

甯河縣志

卷之四

建置

七

蘆臺鎮渡船二始設年月無考乾隆二十四年合鎮  
捐修

蘆臺渡口乃商賈輻輳之區舊有渡船年久失修不  
堪駕馭經邑紳董清名靳廷祥等勸修大小渡船二  
隻以濟來往殊覺便利

窩上莊渡船一始設年月無考雍正元年合莊捐修  
以上各渡俱可通車馬

北窩莊渡船一乾隆六年本城談有序陳玉崑捐設  
二十二年重修三十八年重修

北窩莊小楊莊南渡船一乾隆八年本城談有序陳  
玉崑捐設三十八年紳士杜懋綸劉格臣邵景東等  
重修

米廠莊西渡船一康熙年間合莊始建乾隆八年合  
莊公捐重修

任鳳莊北渡船一乾隆二十七年合莊捐資修造

馬杓沽渡船一乾隆十五年合莊捐造

南澗沽渡船一原設年月無考

孟家莊南渡船一原設年月無考

甯河縣志

卷之四

建置

八

李家沽北渡船一原設年月無考

劉家莊東渡船一乾隆三十七年合莊捐設

造甲城莊東渡船一乾隆十五年合莊捐設

甯車沽莊北渡船一乾隆三十八年合莊造

蘆臺跨河跳板四十二管鐵釘蔴絳皆備乾隆二十

三年知縣謝洪恩設

有碑記  
見藝文

四十年巡檢茹連發重

修又增設五管

以上各渡僅足濟行人不能通車馬因甯邑河津  
環繞艱於利涉故謹誌焉



附北塘莊西南大路爲南北通衢行旅絡繹地濱大海  
每逢潮汐行道維艱知縣關廷牧倡首勸捐鳩工興  
築自乾隆丙申秋洎丁酉春凡五閱月而築成叠道  
長十里許並建石橋以通水勢往來便之

蘆臺距北塘六十里爲商賈來往通衢營城迤北舊  
有埧道迤南則地多窪下海潮淹沒行人苦之咸豐  
初年漢沽鄉保張某由營城迤南挑修埧道十餘里  
因經費不足中止光緒元年署通永鎮吳殿元督率  
練軍興修埧道二十餘里並修補舊道夏秋雖遇雨

水亦不至沮洳難行邑人咸頌其功焉

論曰造橋利涉以爲民也徒杠輿梁因時定制豈非  
爲政之大者哉唐六典凡天下造舟之梁四石柱之  
梁四木柱之梁三巨梁十有一皆國工修之其餘皆  
所管州縣隨時營葺其大津無梁皆給船人量其大  
小難易以定其差法云備矣今 畿甸廣漠四達甯

邑尤近沮洳橋梁舊多廢壞秋水時至百川灌河時  
常陷絕曳輪招舟無賴者藉以爲利索勒客錢居官  
何可不察也昔趙充國治隍陘以西道橋七十所今

可至鮮水爲屯軍便宜之一古人有用之邊陲而效者矣然則修途道以繼司空按寒洹以循夏令是亦邑政所關而王治所不可闕者也



祠墓

名宦祠

現祀總督兵部尚書朱昌祚李廕祖光祿大夫宋權江南學院邵嗣堯察院御史于成龍

直隸總督趙宏燾  
通永道白為機

鄉賢祠

並見  
學宮

忠義祠

節孝祠

並見  
祀典

五代趙德鈞祠在蘆臺巡檢司衙門內

按蘆臺並無趙德鈞祠亦無巡檢司舊署乾隆三

十年因增修一統志奉方畧館行查業經查覆有

甯河縣志



卷之四

建置

十一

案想昔有之日久其蹟湮耳

國朝杜大學士祠在邑東門外文昌閣西建自康熙三

十九年文端公弟立本監修內有

御賜永言惟舊匾額

王剛節祠在邑南門外西口道光二十一年奉

旨建立專祠

御賜碑文

五代梁王墓在縣南蘆臺莊今不存

宋楊七郎墓在縣西潘莊舊廟尚存疑即延昭弟也

潘美墓在縣西潘莊

按宋史潘美大名人受知太祖平定海內曾知幽州後以判并州卒今潘莊有古墓八十一座九行並列土人相傳爲潘美墓云

前明

分守甯夏等處地方遊擊將軍都指揮楊從新之墓  
邑東門外離城一里許

兵部都司署都指揮僉事楊桂芳之墓邑東門外離城一里許

甯河縣志



卷之四

建置

三

國朝

誥贈保和殿大學士杜仁墓

誥贈保和殿大學士杜朝先墓

誥贈保和殿大學士杜守禮墓

誥授光祿大夫保和殿大學士諡文端杜立德墓同在一

塋距邑東南一里有石獸碑碣

諭祭碑文

見藝文志

江南廬州府知府杜立本墓在河東捷道沽距縣十

里許

江西廣信府知府杜恭俊墓距老塋東南里許  
河南陝州知州杜遠文墓在縣南孟家莊距縣十二  
里許

誥贈振威將軍安徽壽春鎮總兵提督銜王秀生墓

誥贈振威將軍安徽壽春鎮總兵提督銜王斌墓

誥贈振威將軍安徽壽春鎮總兵提督銜王者佐墓

誥授振威將軍安徽壽春鎮總兵提督銜諡剛節王錫朋

墓同在縣南三十里蘆臺西董家莊

誥授奉政大夫兵科給事中稽察通倉御史劉人睿墓在

甯河縣志



卷之四

建置

三

縣西北八里邦道沽

誥授朝議大夫知府銜安徽歙縣知縣廉驥元墓在縣城

外東郊

誥授資政大夫戶部右侍郎倉場總督廉兆綸墓在縣西

南五里谷家莊

誥授武顯將軍浙江太湖營副將劉宗漢墓在縣西二十

五里花牛莊

誥授振威將軍直隸固關營參將提督銜諡剛節趙有勝

墓在縣南三十里蘆臺西

論曰逝者如斯哲人已遠所不可掩者身後之名耳  
故立祠以享之封墓以記之示不忘也天下之富貴  
顯榮者衆矣而奄忽物化聲塵寂如豈非所重若此  
所輕若彼哉禁樵採於隴邱薦芳馨於堂下非明德  
曷克致此耶

坊表

彰善坊

在本城為增生談有序立

百歲坊

在塔淘為民人徐應科妻劉氏一百四歲立

恩錫節榮坊

在本城為杜立言妻張氏立

鐵性冰心坊

在本城為常懷遠妻張氏立

兩世冰霜坊

在李家莊為李纘緒妻王氏李定國妻陳氏立

節茂松筠

在本城為廉德孚妻王氏立

節荷恩榮坊

在本城為廉義黨妻張氏立

松柏霜青坊

在本城為廉德民妻安氏立

甯河縣志



卷之四

建置

五

節孝坊

在漢沽為崔珏妻楊氏立

玉質金相坊

在本城為崔良雋妻杜氏立

貞節坊

在蘆臺鎮為劉廷恩妻朱氏立

貞節坊

在岳旗莊為岳景純妻張氏立

松心柏節坊

在那家坨為馬勳臣之妻馮氏立

貞節坊

在營城為邵聯瀛妻張氏立

剛著海疆坊

在本城為王錫朋立

抱璞完貞坊

在北塘為郝恩詔女立

論曰坊者坊民之所不足者也表厥宅里樹之風聲

豈徒邀一日之榮哉其德厚者其錫大其錫大者其義彰其義彰者其民敬用以闡揚往行風勵衆庶而古意存焉望重縉紳芳流閭閻殆與式閭封墓者爭烈矣

09779



甯河縣志卷之四

祀典志

凡三 此篇止載禮儀其創修方位則見於建置篇

洪範八政三曰祀祀典所關重矣然禮之所尊尊其義也陳敷失義祝史貽譏甯邑雖小然陳俎豆潔犧牲有馨香無譏慝者無異教也今將聖神功化所在者著於篇道在知其義而敬守之而淫祀不與志祀

典

文廟

唐太宗貞觀四年詔州縣學皆立孔子廟致祭始代

甯河縣志

卷之四

祀典

一

有封號服王者袞冕宋真宗大中祥符二年封十哲為公七十二弟子為侯先儒為伯元仁宗延祐三年詔春秋釋奠先聖以顏子曾子子思孟子配皆肖像嘉靖九年改稱至聖先師孔子四配稱復聖顏子宗聖曾子述聖子思亞聖孟子十哲以下弟子皆稱先賢左邛明以下皆稱先儒詔去像易木主

大成殿正位南面

至聖先師孔子

殿中東位西面

四配

復聖顏子 名回字子淵魯人

述聖子思子 名伋字子思孔子孫

殿中西位東面

宗聖曾子 名參字子輿魯人

亞聖孟子 名軻字子輿一字子車戰國時鄒人

殿內東旁西面

先賢閔子損 字子騫魯人

先賢冉子雍 字仲弓伯牛之宗族

先賢端木子賜 字子貢衛人

甯河縣志 卷之四 祀典

先賢仲子由 字子路一字季路卞人

先賢卜子商 字子夏衛人

先賢有子若 字子若一字子有魯人

殿內西旁東面

先賢冉子耕 字伯牛魯人

先賢宰子予 字子我魯人

先賢冉子求 字子有仲弓之宗族

先賢言子偃 字子游吳人

先賢顓孫子師 字子張陳人宋時升十哲

先賢朱子熹 字元晦一字仲晦婺源人宋淳祐元年從祀康熙五十一年升附十哲之次

東廡從祀先賢

遽瑗 字伯玉衛人明嘉靖九年改祀於鄉 國朝雍正二年復祀

澹臺滅明 字子羽魯武城人

原憲 字子思魯人後隱於衛

南宮适 字子容一名緇又南宮閱魯人諡敬叔懿子弟

商瞿 字子木魯人

漆雕開 字子開魯人家語云字子若蔡人

司馬耕 字子牛宋人

甯河縣志



卷之四

祀典

三

梁鱣 字叔魚齊人

冉孺 字子魯家語云字子魚魯人

伯虔 字子楷魯人字子哲家語云

冉季 字子產一字子達魯人

漆雕徒父 字子有家語云漆雕從字子文

漆雕哆 字子歛魯人

公西赤 字子華魯人

任不齊 字子選楚人

公良孺 字子正家語作公良儒陳人

公肩定 字子中魯人一日衛人肩作堅中作仲

鄒單 字子家魯人

罕父黑 字子索家語罕作宰字子黑魯人

榮旂 字子祺一作子斬魯人

左人郢 字子行家語云左郢字子行魯人

鄭國 字子徒家語云薛邦字子從一作子徒魯人

原亢 字藉家語云原桃字子藉魯人

廉潔 字庸衛人家語云廉絜字子曹

叔仲會 字子期一作仲叔噲魯人

甯河縣志

卷之四 祀典

四

公西輿如 字子上家語云公西與魯人

邾巽 字子歛家語作選字子飲

陳亢 字子亢一字子禽陳人

琴張 家語云琴半字子開一字子張衛人

步叔乘 字子車齊人

秦非 字子之魯人

顏噲 字子聲魯人

顏何 字冉一字稱魯人明嘉靖九年罷祀 國朝雍正二年復祀

縣直 字子象魯人或疑同鄒單是一人明嘉靖九年罷祀 國朝雍正二年復祀

樂正克 周人孟子弟子 國朝雍正二年進從祀

萬章 齊人孟子弟子 國朝雍正二年進從祀

周敦頤 字茂叔號濂溪宋道州人舊稱先儒明崇禎十五年改稱先賢升附孔孟弟子之後

程顥 字伯淳號明道先生宋河南人舊稱先儒明崇禎十五年改稱先賢升附孔孟弟子之後

邵雍 字堯夫諡康節宋河南人舊稱先儒明崇禎十五年改稱先賢升附孔孟弟子之後

先儒

公羊高 齊人春秋

伏勝 漢濟南人傳尚書世稱伏生

董仲舒 漢廣川人世稱董子治春秋

甯河縣志 卷之四 祀典

后蒼 字近君漢東海人傳曲臺禮

杜子春 漢河南緱氏人通周官

諸葛亮 字孔明後漢瑯琊陽都人國朝雍正二年進從祀

王通 字仲淹隋龍門人設教河汾諡文中子

陸贄 字敬輿唐嘉興人諡宣道光六年增祀

范仲淹 字希文宋吳縣人諡文正

歐陽修 字永叔宋廬陵人諡文忠

楊時 字中立宋將樂人號龜山先生

羅從彥 字仲素宋南劍州人學者稱豫章先生

李侗 字愿中 宋劍浦人

呂祖謙 字伯恭 宋東萊人 徙居婺世稱東萊先生

蔡沈 字仲默 宋建陽人 世稱九峯先生

陳淳 字安卿 宋漳州龍溪人 朱子稱北溪先生 國朝雍正二年進從祀

魏了翁 字華文 宋邛州蒲江人 諡文靖 國朝雍正二年進從祀

王柏 字會之 宋婺州金華人 諡文憲 國朝雍正二年進從祀

趙復 字仁甫 元安德人 國朝雍正二年進從祀

許謙 字益之 元金華人 世稱白雲先生 國朝雍正二年從祀

吳澄 字幼清 號草廬 元崇仁人 明罷祀 國朝乾隆二年復祀

甯河縣志

卷之四 祀典

胡居仁 字叔心 號敬齋 明餘干人 萬曆十二年從祀

王守仁 字伯安 明餘姚人 諡文成 萬曆十二年從祀

羅欽順 字允升 明泰和人 國朝雍正二年增祀

黃道周 字幼平 明漳浦人 道光五年增祀

湯斌 字潛庵 國朝睢州人 諡文正道 光三年增祀

毛亨 魯人

張履祥 字考夫 浙江桐鄉人 同治十一年從祀

西廡從祀先賢

林放 字子邱 魯人 明嘉靖九年改祀 於鄉 國朝雍正二年復祀

宓不齊 字子賤 魯人

公治長 字子長 齊人 家語云魯人

公皙哀 字季次 齊人 皙或作哲 哀或作克 家語作季沈

高柴 字子羔 又作 子皋 齊人

樊須 字子遲 魯人

商澤 字子季 家語云 字子秀 魯人

巫馬施 字子旂 家語云 巫 馬期 字子期 陳人

顏辛 字子柳 魯人

曹卹 字子循 蔡人

甯河縣志 卷之四 祀典

公孫龍 字子石 家語 作公孫寵

秦商 字子丕 魯人 家語字不慈

顏高 字子驕 家語作顏 剋魯人 剋一作刻

壤駟赤 字子徒 家語云 穰 駟赤字子從 秦人

石作蜀 字子明 家語作石 子蜀 秦之成紀人

公夏首 字乘 家語云 公夏 守字子乘 魯人

后處 字子里 家語作石 處字里之 魯人

奚容蒧 字子皙 家語作奚 蒧字子偕 魯人

顏祖 字襄 家語作顏 相字子襄 魯人

句井疆 字子疆 衛人

秦祖 字子南 秦人

縣成 字子祺 家語 字子橫 魯人

公祖句茲 字子之家 語 作公祖茲

燕伋 字思 家語云 燕 級字子思 秦人

樂欬 字子聲 家語 作樂欣 魯人

狄黑 字皙 衛人家 語字皙之

孔忠 字子茂 家語作 孔弗 孔子兄孟皮之子

公西蒧 字子上 魯人 家語字子尙

甯河縣志



卷之四

祀典

八

顏之僕 字子叔 魯人

施之常 字子恒 魯人 家語字子常

申振 申黨或作申棠 字子周 魯人家語申續又作續

左邱明 魯人 史記 云中都人

秦冉 字子開 魯人 明嘉靖二年罷 祀 國朝雍正二年復祀

牧皮 力牧之後 國朝 雍正二年進從祀

公都子 齊人 孟子弟子 國 朝雍正二年進從祀

公孫丑 齊人 國朝雍 正二年進從祀

張載 字子厚 宋大梁人 世稱橫渠先生 舊稱先儒明 崇禎十五年改稱先賢 升附孔孟弟子之後



程頤 字正叔宋河南人世稱伊川先生明道弟舊稱先儒明崇禎十五年改稱先賢升附孔孟弟子之後

先儒

穀梁赤 魯人傳春秋

高堂生 漢博士魯人傳儀禮

孔安國 字子國孔子十一世孫漢時人傳古文尚書

毛萇 趙人漢博士傳詩經

鄭元 字康成漢北海高密人明嘉靖中罷祀國朝雍正二年復祀

范甯 字武子晉人居丹陽明嘉靖中罷祀國朝雍正二年復祀

韓愈 字退之號昌黎諡文唐南陽人

甯河縣志



卷之四

祀典

九

胡瑗 字翼之宋海陵人世稱安定先生

司馬光 字君實宋夏縣涑水鄉人

尹焞 字彥明一字德充宋洛人國朝雍正二年進從祀

胡安國 字康侯宋崇安人諡文定

張栻 字敬夫宋綿竹人世稱南軒先生

陸九淵 字子靜宋金谿人世稱象山先生

黃幹 字直卿號勉齋宋閩縣人國朝雍正二年進從祀

真德秀 字景元宋蒲城人世稱西山先生

何基 字子恭宋金華人國朝雍正二年進從祀

陳澔 字可久元江西都昌人注禮記國朝雍正二年進從祀

金履祥 字吉父元蘭溪人國朝雍正二年進從祀

許衡 字仲平元河南人世稱魯齋先生

薛瑄 字德温明河津人諡文清

陳獻章 字公甫明新會人世稱白沙先生

蔡清 字介夫明晉江人國朝雍正二年進從祀

呂坤 字新吾明甯陵人道光六年從祀

孫奇逢 字鍾元直隸容城人道光八年從祀

劉宗周 字起東明山陰人道光二年從祀

甯河縣志



卷之四

祀典

十

陸隴其 字稼書浙江平湖人諡清獻國朝雍正二年從祀

呂枏 明臣

袁燮 字和淑浙江鄞縣人同治七年從祀

按左邱明以下經師二十二人配享定於唐貞觀

二十一年周程張朱五子之從祀定於宋理宗淳

祐元年蓋所以報其傳注之功累朝論定殆無遺

議至明嘉靖九年於二十二人之中輒為出入又

以鄭康成范甯等改祀於鄉成化初劉定之議以

為左邱明以下經師二十二人雖其中不無可議

然當世衰道微火於秦黃老於漢佛於魏晉之時  
而此二十二入者守其遺經轉相付授講說註釋  
各竭其才以待後之學者其爲功也大矣雖有大  
過亦當宥之况小失乎此可謂知言者矣至我

朝雍正二年

勅諭附饗廟庭諸賢皆有羽翼聖經扶持名教之功然歷  
朝進退不一而賢儒代不乏人或有昔罷而今議  
復有舊缺而今宜增其從祀崇祀者周程朱蔡外  
或可升而附並先賢先儒之後孰當增置五經博

甯河縣志



卷之四

祀典

十一

士以昭崇報九卿翰詹議准復祀者六人林放遠  
瑗秦冉顏何鄭康成范甯宜增祀者二十人縣直  
牧皮樂正子公都子萬章公孫丑諸葛亮尹焞魏  
了翁黃幹陳淳何基王柏趙復金履祥許謙陳澥  
羅欽順蔡清陸隴其宜入崇聖祀者一人張廸宜  
增置博士者四人冉雍冉伯牛子張有若自此之  
後典禮有加度越前朝遠矣

崇聖祠在殿後雍正四年追封

先聖五代王爵曰 肇聖王 裕聖王 詒聖王 昌聖

王 啓聖王以四配之考配之從祀者爲周程張朱  
蔡五先賢同釋奠日先祭

文昌閣同釋奠日祭

魁星同釋奠日祭

儒學土地祠同釋奠日祭

名宦鄉賢祠同釋奠日祭並如常儀

釋奠儀

每祭於文廟期以春秋二仲月上丁日先三日齋前

一夕省牲知縣正獻行三獻禮教官分獻行一獻禮

甯河縣志



卷之四

祀典

三

其執事之目十有二

通贊 司爵

引贊 司盥

陳設 司尊

司帛 進牲

瘞毛血

司香燭 飲福 受胙

讀祝冊日惟師德配天地道冠古

今刪述六經垂憲萬世惟茲仲

春秋

謹以牲帛酒醴齋

盛庶品祇奉舊章式陳明薦以復聖顏子宗聖曾子

述聖子思子亞聖孟子配設祭器十有一

錫簋 邊

錫盞 爵 盞

篚 犧尊

木豆 錫盞

雲雷尊 俎

錫登

陳樂器十有八

編 鐘

十二 各二管

編磬十六 笙 塤

琴二 篪各二具

瑟二 大鼓一

簫 笛

排簫 搏拊鼓

一 籥 一 祝一座

麾幡旌節各一杆 敵一座

龍翟三十六柄

樂奏咸和之曲以迎神其詞曰大哉孔聖道德尊崇

維持王化斯民是宗典祀有常精純並隆神其來格  
於昭聖容奠帛初獻奉甯和之曲詞曰自生民來誰  
底其盛惟師聖明度越前聖粢帛具陳禮容斯稱黍  
稷非馨惟神之聽亞獻奏安和之曲詞曰大成聖師  
實天生德作樂以崇時祀無斃清酤惟馨嘉牲孔碩  
薦修神明庶幾昭假終獻奏景和之曲詞曰百化宗  
師生民物軌瞻之洋洋神其甯止酌彼金鬯惟清且  
旨登獻惟三於嘻成禮徹饌奏咸和之曲詞曰犧象  
在前豆籩在列以饗以薦既芬既潔禮成樂備人和

甯河縣志 卷之四 祀典 三

神悅祭則受福率遵無越乃奏咸和之曲以送神其  
詞曰有嚴學宮四方來宗恪恭祀事威儀雍雍歆茲  
惟馨神馭還復明禋斯畢咸膺百福凡歌詩者四人  
樂生二十有四人司舞三十有六年雍正二年添設

祭法

先師酒三爵帛一筐太羹一登和羹二釔黍稷二簋稻粱

二簋十二籩 鹽 藁魚 棗 栗 榛 茨 菱  
鹿脯 鮓 糗 餌 粢

十二豆 韭 菁 芹 笋 醢 鹿醢 兔醢 魚  
醢 豚胙 脾肝 鮑 參

羊一俎豕一俎設太牢 雍正四年增設

四配酒各三爵帛各一筐太羹一豆和羹二釶黍一簋

稷一簋六籩鹽脯棗栗鹿六豆菁芹笋鹿醢魚

醢羊豕皆一函

十二哲酒各一爵帛一筐和羹一釶黍一簋稷一簋四

籩省菱藁魚四豆省笋魚醢羊豕皆一函東西數同

兩廡每廡酒四爵帛一筐黍一簋稷一簋四籩四豆

豕四函

崇聖酒三爵帛一筐和羹二釶黍稷二簋稻梁二簋籩

四豆四羊豕皆一俎

甯河縣志 卷之四 祀典

古

其配各酒三爵帛一筐和羹二釶黍稷一簋稻梁二

簋籩豆皆四羊豕皆一函

是日也祭辯乃致祭於歷星樓及土地祠並名宦鄉

賢二祠皆祭之畢乃出祭於

文昌閣如常儀

論曰禮不忘其本耕之祭先農也桑之祭先蠶也所

以大報本反始也矧釋奠祭菜尤為化民成俗之本

哉我

朝尊師重道封五代設太宰四海之內學校如林庠序

盈門俎豆莘莘濟濟乎洋洋乎炳焉與三代同風矣  
壇壝

社稷壇以釋菜後戊日致祭

風雲雷雨山川壇與社稷壇同日祭

先農壇每歲戊日致祭

厲壇每歲清明中元孟冬三節祭

祭法

社酒三爵帛一筐和羹二釧黍稷二簋稻二簋棗栗鹽  
藁魚四邊韭菁菹醢四豆羊一俎豕一俎

甯河縣志



卷之四

祀典

五

稷如其數

風雲雷雨山川器增社壇二之一筐增五祭品一如

社儀

先農牲用羊豕三獻禮如常儀

厲酒三爵果四邊蔬四豆羊二俎豕二俎羹八器飯

四科

論曰自古建國君民教學爲先而平水土植百穀皆  
所以神地之道也故教民美報焉山林川谷邱陵能  
出雲爲風雨見怪物皆曰神在其地則祭之或重粒

食或奠游魂肅然靈風時來時去蓋壇廟之設所從來者尙矣

### 廟祠

關帝廟雍正三年奉文加封三代公爵每歲春秋釋奠五月十三日復專祭

城隍廟每歲春秋仲月隨風雲雷雨壇同日祭

八蜡廟祭日同上

馬神廟祭日同上

土地廟祭日同上

甯河縣志



卷之四

祀典

去

忠義節孝祠祭日同上

王剛節公祠每歲春秋祭日與關帝廟同

### 祭法

關帝廟牲用羊豕設太牢其儀注一與文廟同朝服行九跪三獻禮是日並祭三代祠無大牢六跪三獻如祭崇聖祠五月十三日專祭之牲儀皆如前

城隍與風雲雷雨山川禮儀同

八蜡牲用羊豕酒各二爵餘如常儀

忠義節孝禮儀視名宦鄉賢



王剛節公祠牲用羊一猪一菜供迎神一跪三叩行  
三獻禮辭神一跪三叩

讀祝文曰惟靈秉鉞皖江捐生海滋精忠奮發貫金  
石而不渝功業昭垂同山河而不朽既以旂常永勒  
倦撫流光宜乎俎豆世延嘗懷往績亮節聿昭於史  
冊

綸音特闡其幽光祠宇維隆用修祀事謹陳牲醴來格凡  
筵

論曰有道之世其鬼不神故古聖絕地天通罔有降

甯河縣志

卷之四

祀典

七

格所以絕羣情之誕也然虞典自禋望而外徧於羣  
神則有功德於民者宜祀之矣武廟赫濯亞於文廟  
典莫重焉而捍災禦患庇土物立人紀者有其舉之  
莫敢廢也夫子告宰我曰因物之精制爲之極明命  
鬼神以爲黔首則百衆以畏萬民以服豈求諂以邀  
福哉敬而不黷禮也